

POZIV ORGANIZACIJAMA CIVILNOG DRUŠTVA Osnovna obuka o zagovaranju

Broj javnog poziva: 17.05.0-N2.1-297

1. JAVNI POZIV

Institut za razvoj mladih KULT, u okviru Inicijative organizacija civilnog društva Zapadnog Balkana za podršku zapošljavanju mladih – WeB4YES, poziva organizacije civilnog društva posvećene radu s mladima za učešće na dvodnevnoj obuci o zagovaranju.

Obuka se organizira kao sastavni dio šireg programa podrške organizacijama civilnog društva i jačanja njihovih kapaciteta za aktivno učešće u procesu razvoja i promjene javnih politika, a naročito u oblasti unaprjeđivanja zapošljavanja mladih. Jedna od narednih faza podrazumijevat će i poziv za dodjelu sredstava organizacijama za provođenje lokalnih građanskih inicijativa koje uključuju javno-zagovaračke inicijative i unaprjeđivanje javnih politika.

Obuka će unaprijediti kapacitete organizacija za provođenje aktivnosti javnog zagovaranja u oblasti zapošljavanja mladih i poticanja preduzetništva, pružajući osnovna tehnička znanja i vještine o procesu zagovaranja i kreiranja javnih politika.

Obuka će učesnicima/ama omogućiti da usvoje ili unaprijede znanje o:

- pravnim i političkim okvirom za zapošljivost i preduzetništvo mladih;
- prepoznavanju mogućnosti i prostora u kojem organizacije mogu biti uključene u proces razvoja, primjene, praćenja i evaluacije politika zapošljavanja mladih;
- razumijevanju i definiranju politika zagovaranja;
- učinkovitom korištenju rezultata istraživanja u procesu zagovaranja;
- o tome kako da definiraju realne ciljeve zagovaranja i smisle plan zagovaranja.

Obuka se održava od 25. do 26. marta 2019. godine u hotelu Hills u Sarajevu s početkom u 13.30 sati.

Institut za razvoj mladih KULT snosi troškove organizacije obuke, materijala za rad za vrijeme događaja i smještaja na bazi punog pansiona, za osobe koje budu odabrane za učešće na obuci i o tome budu prethodno obaviještene.

Kriteriji za prijavu

Potencijalni učesnici obuke isključivo supredstavnicima/e organizacija civilnog društva posvećene radu s mladima, a ispunjavaju neke od sljedećih kriterija:

- iskustvo u oblasti zapošljavanja i/ili preduzetništva mladih,
- svoj rad obavljaju u udaljenim i nerazvijenim područjima na teritoriji Bosne i Hercegovine,
- odlučna volja i motiv da se uključe u proces kreiranja javnih politika i spremnost za jačanje svojih kapaciteta.

Prijava

Rok za prijavu:

Poziv ostaje otvoren do **ponedjeljka, 11.3.2019. g., do 13.00 sati.**

Prijave dostaviti:

Putem online obrasca koji se nalazi na: <http://mladi.org/myURL/javnozagovaranje>

Napomena: Prilikom prijave molimo vas da vodite računa o tome da će svi učesnici/e odabrani za učešće biti informirani do 20. marta 2019. godine do 16.30 sati putem emaila.

Eventualna pitanja mogu se postaviti putem mejla na ada.hamidovic@kultbih.org ili telefonom na +387 33 778 762.

2. POZADINA

Nezaposlenost mladih u zemljama Zapadnog Balkana je alarmantna, sa stopama koje su među najvišima u svijetu. One se kreću od 28,9% u Albaniji, 34,9% u Srbiji i 35,9% u Crnoj Gori, do 48,2% u FYR Makedoniji, 52,4% na Kosovu* i 54,3% u Bosni i Hercegovini. Stoga je od vitalnog značaja rješavanje ovog pitanja, putem saradnje i dijaloga sa svim zainteresiranim stranama. Kroz saradnju javnog, privatnog i sektora civilnog društva regija će značajno poboljšati razvoj ciklusa javnih politika kako bi proširila pristup organizacijama civilnog društva u stvaranju, primjeni i praćenju javnih politika, na participativan i transparentan način.

3. O INICIJATIVI

Inicijativa organizacija civilnog društva Zapadnog Balkana za podršku zapošljavanju mladih (*WeB4YES – Western Balkan Civil Society Organisations for Youth Employment Support*) je regionalna inicijativa usmjerena na jačanje međusektorske saradnje s ciljem da se podrže mladi nezaposleni građani Zapadnog Balkana i osmisle inovativna rješenja za zapošljivost i zapošljavanje. Cilj inicijative je osnaživanje organizacija civilnog društva da doprinesu rješavanju problema nezaposlenosti i poboljšanju uslova za preduzetništvo mladih, kroz zagovaranje i monitoring na lokalnom, državnom i regionalnom nivou.

Glavni koordinator inicijative je Beogradska otvorena škola (Srbija), a partneri na projektu, pored Instituta za razvoj mladih KULT, su Asocijacija za demokratski prosperitet – ZID (Crna Gora), NGO Lens (Kosovo), Asocijacija Beyond Barriers (Albanija), Nacionalni omladinski savjet Makedonije i Međunarodni centar Olof Palme (Švedska).

Inicijativa WeB4YES traje do kraja 2020. godine, a podržana je od strane Evropske komisije u okviru programa „Osnaživanje civilnog društva i medija 2016-2017, Regionalne tematske mreže organizacija civilnog društva“.